

十住毗婆沙論卷第一

規一

龍樹菩薩造
姚秦三藏法師鳩摩羅什譯

序品第一

敬禮一切佛無上之大道及諸菩薩衆

堅心住十地聲聞辟支佛無我我所者
是今解十地義隨順佛所說

問曰汝欲解菩薩十地義以何因緣故說答
曰地獄畜生餓鬼人天阿修羅六趣險難恐
怖大畏是衆生生死大海旋流洄渦隨業往

來是其濤波漂淚乳汁流汗膿血是惡水聚
瘡癩乾枯嘔血淋瀝上氣熱病癰疽漏吐
逆脹滿如是等種種惡病爲惡羅刹憂悲苦
惱爲水燒動啼哭悲號爲波浪聲苦惱諸受
以爲沃燋死爲崖岸無能越者諸結煩惱有
漏業風鼓扇不定諸四顛倒以爲欺誑愚癡
無明爲大黑闇隨愛凡夫無始已來常行其
中如是往來生死大海未曾有得到於彼岸
或有到者兼能濟渡無量衆生以是因緣說
菩薩十地義問曰若人不能修行菩薩十地

不得度生死大海耶答曰有若人行聲聞辟支佛乘者是人得度生死大海若人欲以無上大乘度生死大海者是人必當具足修行十地問曰行聲聞辟支佛乘者幾時得度生死大海答曰行聲聞乘者或以一世得度或以二世或過是數隨根利鈍又以先世宿行因緣行辟支佛乘者或以七世得度或以八世若行大乘者或一恒河沙大劫或二三四五十百千萬世或過是數然後乃得具足修行菩薩十地而成佛道亦隨根之利鈍又以

先世宿行因緣問曰聲聞辟支佛俱到彼岸於解脫中有差別不答曰是事應當分別於諸煩惱得解脫是中無差別因是解脫入無餘涅槃是中亦無差別無有相故但諸佛甚深禪定障解脫一切法障解脫於諸聲聞辟支佛有差別非說所盡亦不可以譬喻爲比問曰三乘所學皆爲無餘涅槃若無餘涅槃中無差別者我等何用於恒河沙等大劫往來生死具足十地不如以聲聞辟支佛乘速滅諸苦答曰是語弱劣非是大悲有益之

言若諸菩薩効汝小心無慈愍意不能精勤
修十地者諸聲聞辟支佛何由得度亦復無
有二乘差別所以者何一切聲聞辟支佛皆
由佛出若無諸佛何由而出若不修十地何
有諸佛若無諸佛亦無法僧是故汝所說者
則斷三寶種非是大人有智之言不可聽察
所以者何世間有四種人一者自利二者利
彼三者共利四者不共利是中共利者能行
慈悲饒益於他名爲上人如說
世間可愍傷常背於自利一心求富樂

墮於邪見網常懷於死畏流轉六道中
大悲諸菩薩能拯爲希有衆生死至時
無能救護者沒在深黑闇煩惱網所縛
若有能發行大悲之心者荷負衆生故
爲之作重任若人決定心獨受諸勤苦
所獲安隱果而與一切共諸佛所稱歎
第一最上人亦是希有者功德之大藏
世間有常言家不生惡子但能成己利
不能利於人若生於善子能利於人者
是則如滿月照明於其家有諸福德人

以種種因緣 饒益如大海 又亦如大池
無求於世間 以慈愍故住 此人生為貴
壽命第一最

如是聲聞辟支佛佛煩惱解脫雖無差別以
度無量衆生久住生死多所利益具足菩薩
十地故有大差別問曰佛有大悲汝為弟子
種種稱讚慈愍衆生誠如所說汝以種種因
緣明了分別開悟引導行慈悲者聞則心淨
我甚欣悅汝先偈說十地之義願為解釋答
曰敬名恭敬心禮名曲身接足一切諸佛者

三世十方佛無上大道者一切諸法如實知
見通達無餘更無勝者故曰無上大人所行
故曰大道菩薩衆者為無上道發心名曰菩
薩問曰但發心便是菩薩耶答曰何有但發
心而為菩薩若人發心必能成無上道乃名
菩薩或有但發心亦名菩薩何以故若離初
發心則不成無上道如大經說新發意者名
為菩薩猶如比丘雖未得道亦名道人是名
字菩薩漸漸修習轉成實法後釋歡喜地中
當廣說如實菩薩相衆者從初發心至金剛

無礙解脫道於其中間過去未來現在菩薩名之爲衆堅心者心如須彌山王不可沮壞亦如大地不可傾動住十地者歡喜等十地後當廣說問曰若菩薩更有殊勝功德何故但稱堅心答曰菩薩有堅心功德能成大業

見一

菩薩有堅心功德能成大業

不墮二乘軟心者怖畏生死自念何爲久在生死受諸苦惱不如疾以聲聞辟支佛乘速滅諸苦又軟心者於活地獄黑繩地獄衆合地獄叫喚地獄大叫喚地獄燒炙地獄大燒炙地獄無間大地獄及眷屬炭火地獄沸屎

地獄燒林地獄劙樹地獄刀道地獄銅枷地獄刺棘地獄鹹河地獄其中斧鉞刀稍矛戟弓箭鐵剗椎棒鐵槍蒺藜刀劙鐵網鐵杵鐵輪以如是等治罪器物斬斫割刺打棒剥裂繫縛枷鎖燒煮拷掠磨碎其身擣令爛熟狗虎狼師子惡獸競來齧掣食噉其身烏鵲鶻鷺鐵柴所啄惡鬼驅逼令緣劙樹上下火山以鐵火車加其頸領以熱鐵杖而隨捶之千釘釘身剗刀刮削入黑闇中烽煙臭處熱鐵鎔身鑿割其肉剥其身皮還繫手足鑊湯

漏沸炮煮其身鐵棒棒頭腦壞眼出貫著鐵
鏈舉體火然血流澆地或沒尿河行於刀劍
槍刺惡道自然刀劍從空而下猶如駛雨割
截支體辛酸苦臭穢惡之河浸漬其身肌肉
爛壞舉身墮落唯有骨在獄卒牽扯蹴踘追
規一五

蓮華地獄赤蓮華地獄常在幽闇大怖畏處
謗毀賢聖生在其中形如屋舍山陵堆阜麤
惡冷風聲猛可畏悲激吹身如轉枯草肌肉
墮落猶如冬葉凍則瘡痍膿血流出身體不
淨臭處難忍寒風切冽苦毒辛酸唯有憂悲
啼哭更無餘心號咷獨無所依恃斯罪皆
由誹謗賢聖其輒心者見聞此事何得不怖
求聲聞辟支佛乘又於畜生猪狗野干貓狸
地獄阿波波地獄阿羅羅地獄阿睺睺地獄
青蓮華地獄白蓮華地獄雜色蓮華地獄紅
羊蜈蚣蚰蜒蛇蝮蠍龜魚鼈蛟虬螺蚌

鳥鵲鷄梟鷹鶴之類如是鳥獸共相殘害又
猿網伺捕屠割不一生則羈絆穿鼻絡首負
重捶杖鉤刺其身皮肉破裂痛不可忍煙熏
火燒苦毒萬端死則剥皮食啖其肉有如是
等無量苦痛其軟心者聞見此事何得不怖
求聲聞辟支佛乘又於鍼頸餓鬼火口餓鬼
大癰餓鬼食吐餓鬼食盪滌餓鬼食膿餓鬼
食屎尿餓鬼浮陀鬼鳩槃茶鬼夜叉鬼羅刹
鬼毗舍闍鬼富單那鬼迦羅富單那鬼等諸
鬼鬚髮蓬亂長爪大鼻身中多蟲臭穢可畏

衆惱所切常有慳嫉飢渴苦患未曾得食得
不能咽常求膿血屎尿湊唾盪滌不淨有力
者奪而不得食裸形無衣寒熱倍甚惡風吹
身宛轉苦痛蚊蟲毒蟲唼食其體腹中飢熱
常如火然其軟心者見聞此事何得不怖求
聲聞辟支佛乘又於人中恩愛別苦怨憎會
苦老病死苦貧窮求苦有如是等無量衆苦
及諸天阿脩羅退沒時苦其軟心者見此諸
苦何得不怖求聲聞辟支佛乘若堅心者見
地獄畜生餓鬼天人阿脩羅中受諸苦惱生

大悲心無有怖畏作是願言是諸衆生深入
衰惱無有救護無所歸依我得滅度當度此
等以大悲心勤行精進不久得成所願是故
我說菩薩諸功德中堅心第一復次菩薩有
八法能集一切功德一者大悲二者堅心三
者智慧四者方便五者不放逸六者勤精進

七者常攝念八者善知識是故初發心者疾
行八法如救頭然然後當修諸餘功德又依
此八法故有一切聲聞衆四雙八輩所謂須
陀洹向須陀洹等辟支佛無我我所者世間

無佛無佛法時有得道者名辟支佛諸賢聖
離我我所貪著故名為無我我所者今解十
住地義隨順佛所說者十地經中次第說今
當隨次具解問曰汝所說者不異於經經義
已成何須更說爲欲自現所能求名利耶答第一

曰

我不爲自現 莊嚴於文辭 亦不貪利養
而造於此論

問曰若不爾者何以造此論答曰

我爲欲慈悲 饒益於衆生 不以饒因緣

而造於此論

見衆生於六道受苦無有救護爲欲度此等故以智慧力而造此論不爲自現智力求於名利亦無嫉妒自高之心求於供養問曰慈愍饒益衆生事經中已說何須復解徒自疲苦答曰

有但見佛經 通達第一義 有得善解釋而解實義者

有利根深智之人聞佛所說諸深經即能通達第一義所謂深經者即是菩薩十地第一

義者即是十地如實義有諸論師有慈悲心隨佛所說造作論議莊校辭句有人因是而得通達十地義者如說

有人好文飾 莊嚴章句者 有好於偈頌有好雜句者 有好於譬喻 因緣而得解所好各不同 我隨而不捨

章句名莊嚴句義不爲偈頌得名義趣言辭在諸句中或四言五言七言等偈有二種一者四句偈名爲波蘚切遮二者六句偈名祇夜雜句者名直說語言譬喻者以人不解深

義故假喻令解喻有或實或假因緣者推尋所由隨其所好而不捨之間曰衆生自所樂不同於汝何事答曰我發無上道心故不捨一切隨力饒益或以財或以法如說

若有大智人得聞如是經不復須解釋則解十地義

若有福德利根者但直聞是十地經即解其義不須解釋不爲是人而造此論問曰云何爲善人答曰若聞佛語即能自解如丈夫能服苦藥小兒則以蜜和善人者略說有十法

何等爲十一者信二者精進三者念四者定五者善身業六者善口業七者善意業八者無貪九者無恚十者無癡如說

若人以經文難可得讀誦若作毗婆沙於此人大益

若人鈍根懈慢以經文難故不能讀誦難者文多難誦難說難諳若有好樂莊嚴語言雜飾譬喻諸偈頌等爲利益此等故造此論是故汝先說但佛經便足利益衆生何須解釋者是語不然如說

思惟造此論 深發於善心 以然此法故
無比供養佛

我造此論時思惟分別多念三寶及菩薩衆
又念布施持戒忍辱精進禪定智慧故深發
善心則是自利又演說照明此正法故名爲

規一九
無比供養諸佛則是利他如說

說法然法燈 建立於法幢 此幢是賢聖

妙法之印相 我今造此論 蹄捨及滅慧
是四功德處 自然而修集

今造此論是四種功德自然修集是故心無

有倦諦者一切真實名之爲諦一切實中佛
語爲真實不變壞故我解說此佛法即集諦
處捨名布施施有二種法施財施二種施中
法施爲勝如佛告諸比丘一當法施二當財
施二施之中法施爲勝是故我法施時即集
捨處我若說十地義時無有身口意惡業又
亦不起欲恚癡念及諸餘結障此罪故即名
集滅處爲他解說法得大智報以是說法故
即集慧處如是造此論集此四功德處復次
我說十地論 其心得清淨 深會是心故

精勤而不倦 若人聞受持 心又清淨者

我亦深樂此 一心造此論

此二偈其義已顯不須復說但以自心他心
清淨故造此十地義清淨心至所應至處得
大果報如佛語迦留陀夷勿恨阿難若我不
記阿難於我滅後作阿羅漢者以是清淨心
業因緣故當於他化自在天七返爲王如經

中廣說

入初地品第二

問曰汝說此語開悟我心甚以欣悅今解十

地必多所利益何等爲十答曰
此中十地法 去來今諸佛 為諸佛子故

已說今當說

初地名歡喜

第二離垢地

三名爲明地

第四名餽地

五名難勝地

六名現前地

第七深遠地

第八不動地

九名善慧地現一

十名法雲地

分別十地相

次後當廣說

此中者大乘義中十者數法地者菩薩善根
階級住處諸佛者十方三世諸如來說者開
示解釋諸佛子者諸佛真實子諸菩薩是是

故善薩名爲佛子過去未來現在諸佛皆說此十地是故言已說今說當說菩薩在初地始得善法味心多歡喜名歡喜地第二地中行十善道離諸垢故名離垢地第三地中廣博多學爲衆說法能作照明故名爲明地第四地中布施持戒多聞轉增威德熾盛故名爲餞地第五地中功德力盛一切諸魔不能壞故名難勝地第六地中障魔事已諸菩薩道法皆現在前故名現前地第七地中去三界遠近法王位故名深遠地第八地中若天

地答曰

若厚種善根 善行於諸行 善集諸資用
善供養諸佛 善知識所護 具足於深心
悲心念衆生 信解無上法 具此八法已
當自發願言 我得自度已 當復度衆生

魔梵沙門婆羅門無能動其願故名不動地第九地中其慧轉明調柔增上故名善慧地第十地中菩薩於十方無量世界能一時雨法雨如劫燒已普澍大雨名法雲地問曰已聞十地名今云何入初地得地相貌及修習

一

二

爲得十力故 入於必定聚 則生如來家
無有諸過咎 卽轉世間道 入出世上道
是以得初地 此地名歡喜

厚種善根者如法修集諸功德名爲厚種善
根善根者不貪不恚不癡一切善法從此三
生故名爲善根如一切惡法皆從貪恚癡生
是故此三名不善根阿毗曇中種種分別欲
界繫色界繫無色界繫不繫合爲十二有心
相應有心不相應合二十四此中無漏善根
得阿耨多羅三藐三菩提時修集餘九菩薩

地中修集又未發心時亦修集或一心中有
三或一心中有六或一心中有九或一心中
有十二或但集心相應不集心不相應或集
心不相應不集心相應或集心相應亦心不
相應或不集心相應心不相應是諸善根分
別如阿毗曇中廣說此中善根爲衆生求無
上道故所行諸善法皆名善根能生薩婆若
智故名爲善根行於諸行者善行名清淨諸
行名持戒清淨持戒次第而行是持戒與七
法和合故爲善行何等爲七一慚二愧三多

聞四精進五念六慧七淨命淨身口業行此
七法具持諸戒是名善行諸行又經說諸禪
爲行處是故得禪者名爲善行諸行此論中
不必以禪乃得發心所以者何佛在世時無
量衆生皆亦發心不必有禪又白衣在家亦
名爲善行善集資用者上偈中第一所說厚種善
根善行諸行多供養佛善知識護具足深心
悲念衆生信解上法是名資用又本行善法
必應修行善根亦名資用所謂布施忍辱質
直不詭心柔和同止樂無惄恨性殫盡不隱

過不偏執不很戾不諍訟不自恃不放逸捨
憍慢離矯異不讚身堪忍事決定心能果敢
受不捨易教授少欲知足樂於獨處如是等
諸法隨行已漸能具足殊勝功德是法未堅
牢故名爲本行若離是法不能進得勝妙功
德是故此本行法與八法和合故爲初地資
用善親近諸佛者若菩薩世世如法常多供
養諸佛供養有二種一者善聽大乘正法若
廣若略二者四事供養恭敬禮侍等具此二
法供養諸佛名爲善供養諸佛善知識者菩

薩雖有四種善知識此中所說能教入大乘
具諸波羅密能令住十地者所謂諸佛菩薩
及諸聲聞能示教利喜大乘之法令不退轉
守護者常能慈愍教誨令得增長善根是名
規一十三
守護具足深心者深樂佛乘無上大乘一切
智乘名爲具足深心問曰無盡意菩薩於和
合品中告舍利弗諸菩薩所有發心皆名深
心從一地至一地故名爲趣心增益功德故
名爲過心得無上事故名爲頂心攝取上法
故名爲上心現前得諸佛法故名爲現前心

集利益法故名爲緣心通達一切法故名爲
度心所願不倦故名爲決定心滿所願故名
爲喜心身自成辦故名無侶心離敗壞相故
名調和心無諸惡故名爲善心遠離惡人故
名不雜心以頭施故名難捨心救破戒人故
名持難戒心能受下劣加惡故名難忍心得
涅槃能捨故名難精進心不貪禪故名難禪
定心助道善根無厭足故名難慧心能成一
切事故名度諸行心智慧善思惟故名離慢
大慢我慢心不望報故是一切衆生福田心

觀諸佛深法故名無畏心不障礙故名增功德心常發精進故名無盡心能荷受重擔故名不悶心又深心義者等念衆生普慈一切供養賢善悲念惡人尊敬師長救無救者無歸作歸無洲作洲無究竟者爲作究竟無有侶者能爲作侶於曲人中行質直心敗壞人中行真正心諛謗人中行無諛心不知恩中行於知恩不知作中而行知作無利益中能行利益邪衆生中行於正行憍慢人中行無慢行不隨教中而不慍恚罪衆生中常作守

護衆生所有過不見其失供養福田隨順教誨受化不難阿練若處一心精進不求利養不惜身命復次內心清淨故無有誑惑善口業故不自稱歎知止足故不行威迫心無垢故行於柔和集善根故能入生死爲衆生故忍一切苦菩薩有如是等深心相不可窮盡沒今但說深心相何得不少答曰不少也無盡意總一切深心相在一處說而此中分布諸地此十住經地地別說深心相是故菩薩隨諸地中皆得深心深心之義即在其地今

初地中說二深心一者發大願二者在必定

地是故當知隨在十地善說深心汝說何得

不少是事不然悲心於衆生者成就悲故名

爲悲者何謂爲悲悼愍衆生救濟苦難信解

諸上法者於諸佛法信力通達發願我得自

度已當度衆生者一切諸佛法願爲其本願
願則不成是故發願問曰何故不言我當度

衆生而言自得度已當度衆生答曰自未得
度不能度彼如人自沒於泥何能拯拔餘人
又如爲水所漂不能濟溺是故說我度已當

度彼如說一

若人自度畏

能度歸依者

自未度疑悔

何能度所歸

若人自不善

不能令人善

若不自寂滅

安能令人寂

是故先自善寂而後化人又如法句偈說

規一

若能自安身

在於善處者

然後安餘人

自同於所利

凡物皆先自利後能利人何以故如說

若自成己利

乃能利於彼

自捨欲利他

失利後憂悔

是故說自度已當度衆生問曰得何利故能成此事入必定地又以何心能發是願答曰得佛十力能成此事入必定地能發是願問曰何等是佛十力答曰佛悉了達一切法因果名爲初力如實知去來今所起業果報處名爲二力如實知諸禪定三昧分別垢淨入相名爲三力如實知衆生諸根利鈍名爲四力如實知衆生所樂不同名爲五力如實知世間種種異性名爲六力如實知至一切處道名爲七力如實知宿命事名爲八力如

實知生死事名爲九力如實知漏盡事名爲十力爲得是佛十力故大心發願即入必定聚問曰凡初發心皆有如是相耶答曰或有人說初發心便有如是相而實不爾何以故是事應分別不應定答所以者何一切菩薩初發心時不應悉入於必定或有初發心時即入必定或有漸修功德如釋迦牟尼佛初發心時不入必定後修集功德值然燈佛得入必定是故汝說一切菩薩初發心便入必定是爲邪論問曰若是邪論者何故汝說以

是心入必定答曰有菩薩初發心即入必定
以是心能得初地因是人故說初發心入必
定中問曰是菩薩初心釋迦牟尼佛初發心
是心云何答曰是心不雜一切煩惱是心相
續不貪異乘是心堅牢一切外道無能勝者
是心一切衆魔不能破壞是心爲常能集善
根是心能知有爲無爲是心無動能攝佛法
是心無覆離諸邪行是心安住不可動故是
心無比無相違故是心如金剛通達諸法故
是心不盡集無量福德故是心平等等一切

衆生故是心無高下無差別故是心清淨性
無垢故是心離垢慧照明故是心無垢不捨
深心故是心爲廣慈如虛空故是心爲大受
一切衆生故是心無礙至無障智故是心徧
到不斷大悲故是心不斷能正迴向故是心
衆所趣向智者所讚故是心可觀小乘瞻仰
故是心難見一切衆生不能覩故是心難破
能善入佛法故是心爲住一切樂具所住處
故是心莊嚴福德資用故是心選擇智慧資
用故是心淳厚以布施爲資用故是心大願

持戒資用故是心難忍辱資用故是心難勝精進資用故是心寂滅禪定資用故是心無惱害智慧資用故是心無瞋礙慈心深故是心根深悲心厚故是心悅樂喜心厚故是心苦樂不動捨心厚故是心護念諸佛神力故是心相續三寶不斷故如是等無量功德莊嚴初必定心如無盡意品中廣說是心不雜一切煩惱者見諦思惟所斷二百九十四煩惱不與心和合故名爲不雜是心相續不貪異乘者從初心相續來不貪聲聞辟支佛

乘但爲阿耨多羅三藐三菩提故名爲相續不貪異乘如是等四十句論應如是知問曰汝說是心常一切有爲法皆無常如法印經中說行者觀世間空無有常而不變壞是事何得不相違耶答曰汝於是義不得正理故作此難是中不說心爲常此中雖口說常常義名必定初心生必能常集諸善根不休不息故名爲常生如來家者如來家則是佛家如來者如名爲實來名爲至至真實中故名爲如來何等真實所謂涅槃不虛誑故是名

如實如經中說佛告比丘第一聖諦無有虛誰涅槃是也復次如名不壞相所謂諸法實相是來名智慧到實相中通達其義故名爲如來復次空無相無作名爲如諸佛來至三解脫門亦令衆生到此門故名爲如來復次如名四諦以一切種見四諦故名爲如來復次如名六波羅蜜所謂布施持戒忍辱精進禪定智慧以是六法來至佛地故名爲如來復次諦捨滅慧四功德處名爲如以是四法來至佛地故名爲如來復次一切佛法名爲譬如生轉輪聖王家有轉輪聖王相是人必

如以是來至諸佛故名爲如來復次一切菩薩地喜淨明談難勝現前深遠不動善慧法雲名爲如諸菩薩以是十地來至阿耨多羅三藐三菩提故名爲如來又以如實八聖道分來故名爲如來復次權智二足來至佛故名爲如來如去不還故名爲如來如來者所謂十方三世諸佛是是諸佛家名爲如來家今是菩薩行如來道相續不斷故名爲生如來家又是菩薩必成如來故名爲生如來家譬如生轉輪聖王家有轉輪聖王相是人必

作轉輪聖王是菩薩亦如是生如來家發是

心故必成如來是名生如來家如來家者有

人言是四功德處所謂諦捨滅慧諸如來從

此中生故名爲如來家有人言般若波羅蜜

及方便是如來家如助道經中說

智度無極母 善權方便父 生故名爲父

養育故名母

一切世間以父母爲家是二似父母故名之

爲家有人言善慧名諸佛家從是二法出生

諸佛是二則是一切善法之根本如經中說

是二法俱行能成正法善是父慧是母是二
和合名爲諸佛家如說

菩薩善法父 智慧以爲母 一切諸如來

皆從是二生

有人言般舟三昧及大悲名諸佛家從此二

法生諸如來規一此中般舟三昧爲父大悲爲母

復次般舟三昧是父無生法忍是母如助菩

提中說

般舟三昧父 大悲無生母 一切諸如來

從是二法生

家無過咎者家清淨故清淨者六波羅蜜四功德處方便般若波羅蜜善慧般舟三昧大悲諸忍是諸法清淨無有過故名家清淨是

菩薩以此諸法爲家故無有過咎轉於過咎轉於世間道入出世上道者世間道名即是凡夫所行道轉名休息凡夫道者不能究竟至涅槃常往來生死是名凡夫道出世間者因是道得出三界故名出世間道上者妙故名爲上入者正行道故名爲入以是心入初地名歡喜地問曰初地何故名爲歡喜答曰

如得於初果 究竟至涅槃 菩薩得是地心常多歡喜 自然得增長 諸佛如來種是故如此人 得名賢善者

如得初果者如人得須陀洹善閑三惡道門見法入法得法住堅牢法不可傾動究竟至涅槃斷見諦所斷法故心大歡喜設使睡眠嬾惰不至二十九有如以一毛爲百分以一分毛分取大海水若二三滴苦已滅者如大海水餘未滅者如二三滴心大歡喜菩薩如意是得初地已名生如來家一切天龍夜叉乾

闍婆阿脩羅迦樓羅緊那羅摩睺羅伽天王

梵王沙門婆羅門一切聲聞辟支佛等所共
供養恭敬何以故是家無有過咎故轉世間
道出入世間道但樂敬佛得四功德處得六
波羅蜜果報滋味不斷諸佛種故心大歡喜

是善薩所有餘苦如二三水滴雖百千億劫
得阿耨多羅三藐三菩提於無始生死苦如
二三水滴所可滅苦如大海水是故此地名

為歡喜

十住毗婆沙論卷第一

音釋

洄渡

洄胡塊切

洄渡房六

洄於口切

療疽

退切

痘流也

區吐也

刻

楚布

切

其月

錢王月切

猶所角切

刻

切

齒莊加

切齒不正

矛屬切

刻

鍾同虛

齒掣也

掣莊列切

挽也

策即委切

燭同虛

齒掣也

掣莊列切

挽也

策

燭燈紅切

燭煙起

燭蒲沒

燭戈涉

燭

炮

炮烹交

炮也

炮也

炮

蹠踰

蹠踰渠

蹠踰子

蹠踰也

蹠踰

砦產

砦產營

砦產也

砦產也

砦

筭渠

筭渠營

筭渠也

筭渠也

筭

犧犧

犧犧合

犧犧也

犧犧也

犧犧

羈渠

羈渠營

羈渠也

羈渠也

羈渠

牛渠

牛渠營

牛渠也

牛渠也

牛渠

虬渠

虬渠營

虬渠也

虬渠也

虬渠

絆渠

絆渠營

絆渠也

絆渠也

絆渠

鍼鍼

鍼鍼營

鍼鍼也

鍼鍼也

鍼鍼

癩

癩營

癩也

癩也

癩

癩

癩營

癩也

癩也

永樂北藏

十住毗婆沙論

第一〇〇冊

唼
與作答
很灰
從也不

切
煩
糾問
惱也
彈
多寒
鴟也
切
很灰
懇切
戶

規